



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Constitutiones Variorum Pontificum in praecedentibus Editionibus
desideratas, summoque studio hinc inde conquisitas complectens

Luxemburgi, 1741

3. In Sacra Beati &c. Ne quis Regularis obtento, vel dimisso Episcopatu
ullum dignitatis gradum in suæ Regulæ Familia assequi possit: anno 1559.

[urn:nbn:de:hbz:466:1-74514](#)

lippum Regem ex redditibus, & proventibus, quos ex dicta Regione percipit assignandos, & Archiepiscopo Mechlinensi, ac singulis Episcopis praefatis pro tempore existentibus singulis annis, quounque specificatio, & repartitio prædictæ, ac pro ea tantum parte, que plenarium suum effetum minus fortita fuerit, & non ultra, integrè, & proportionabiliter persolvendos, pro earum dote de pari Consilio, eadem auctoritate etiam perpetuo applicamus, & appropriamus.

Eidem autem Philippo Regi, ejusque Successoribus, qui pro tempore ejusdem Regionis in temporalibus Domini extiterint, jus nominandi personas idoneas, in Theologia Magistros, aut in Decretis Doctores, seu Liciensatos, Nobilium Universitatum more, diligenter examine præcedente, promotos, ad Mechlinensem, Antverpiensem, Traiectensem, Atrebatensem, Tornacensem, Harlemensem, Ruremensem, Namurensim, Gandavensem, ac Brugensem, Daventryensem, Buscoducensem, Leovardiensem, Grænenensem, Middleburgensem Ecclesiæ prædictas, tam in hac priori vice, quam quotiescumque illas pro tempore vacare contigerit, nobis, vel Romano Pontifici, qui pro tempore fuerit, per nos, & eundem Pontificem in Archiepiscopos, & Episcopos earum ad nominationem ejusmodi instituendos, de eodem Consilio, & Scientia, & auctoritate præmissis in perpetuum reservamus, atque concedimus, ac irritum, & inane, si fecus super his à quoquam quavis auctoritate, scienter vel ignoranter, contigerit attentari, decernimus.

Non obstantibus Constitutionibus, & ordinationibus Apostolicis, ac prædictarum, & quarumvis aliarum Ecclesiæ, nec non Monasteriorum, & Ordinum hujusmodi, etiam juramento, vel confirmatione alia robورatis Statutis, & consuetudinibus, privilegiis quoque, indultis, & litteris Apostolicis, Ecclesiæ, Monasteriis, Ordinibus, Archiepiscopis, Episcopis, Capitulis, & aliis praefatis, ac quibusvis aliis, sub quibuscumque tenoribus, & formis, ac cum quibusvis, etiam derogatoriarum derogatoriis, aliisque efficacioribus, efficacissimis, & insolitis Claustulis irritantibus, & aliis decretis, etiam motu proprio, & ex certa Scientia, ac consistorialiter concessis, ac etiam iteratis vicibus confirmatis, & innovatis.

Quibus omnibus, etiam si pro illorum sufficienti derogatione, de illis, eorumque totis tenoribus specialis, specifica, & expressa mentio habenda, aut aliqua alia exquisita forma ad hæc servanda foret, tenores hujusmodi, ac si de verbo ad verbum infererentur, presentibus pro sufficienter expressis & infertis habentes, illis alias in suo labore permanentes, hac vice duntaxat harum serie specialiter, & expressè derogamus, illaque adversus præmisla suffragari nullo modo posse, seu debere decernimus, ceterisque contrariais quibuscumque.

Nulli ergo omnino hominum licet hanc paginam nostrarum exemptionum, segregationis, divisionis, separationis, liberationis, erectionum, institutionum, concessionum, assignationum, attributionis, Statuti, subjectionis, decretorum, applicationis, appropriationis, reservationis, & derogationis infringere, vel ei ausu temerario contraire.

Si quis autem hoc attentare præsumperit, indigationem Omnipotentis Dei, ac Beatorum Petri, & Pauli Apostolorum ejus se noverit incursum.

Datum Romæ, apud S. Petrum, Anno Incarnationis Dominice Millesimo Quingentesimo, quinquagesimo nono IV. Idus Maii, Pontificatus nostri, anno quarto.

Ne quis Regularis obtento, vel dimisso Episcopatu ullum dignitatis gradum in suæ Regulæ Familia asequi possit: an. 1559.

PAULUS EPISCOPUS.

Ad perpetuam rei memoriam.

IN Sacra Beati Petri Sede, meritis licet imparibus, divina dispositione collocati, ad ea, quibus sub Religionis iugo Domino famulantum quieti consoluntur, & ambitionis via præcluditur, diligenter intendimus, & in his nostri Pastorali Officii partes favorabiliter impartimur, prout in Domino conspicimus salubriter expedire. Cum itaque, sicuti nobis innotescunt, nonnulli Episcopi, & Archiepiscopi diverorum Ordinum Professores, Dignitates, & Officia, etiam Superioritates nuncupata suorum Ordinum ambientes, ad hoc, ut ad illa assumi, eaque obtinere valerent, ab eorum Ecclesiis, quibus prærant, etiam munere consecrationis per eos suscepimus, per Sedem Apostolicam absolvit procuraverint, & ad claustra suorum Ordinum redentes, postea ad Dignitates, & Officia, ac Superioritates hujusmodi diversis modis, & viis assumi, eaque consequi faterent, & exinde quamplures diffensiones, & contentiones, ac religionis inobedientiae exortæ fuerint, & in dies exoriantur, in animarum suarum periculum, & diectorum Ordinum opprobrium, ac scandalum plurimorum. Nos præmissis, prout ex debito Pastorali Officii tenemur, providere volentes, motu proprio, & de certa nostra scientia volumus, & Apostolica Auctoritate statuimus, & ordinamus, quod nullus cuiusvis Ordinis, seu Religionis Professor Episcopus, seu Archiepiscopus, postquam munus consecrationis hujusmodi suscepit, etiam si à vinculo Ecclesiæ, cui præfuerat, per Sedem eandem absolutus, eique, quod in suo Ordine remanere, & ad Dignitates, & Officia, ac Superioritates hujusmodi assumi, eaque obtinere posset, per Sedem eamdem, seu illius auctoritate concessum fore, ad Dignitates, aut Officia, & Superioritates hujusmodi cuiuscumque qualitatis existant, & quovis nomine nuncupentur, eligi, seu aequi, aut obtinere nullatenus possit, & ineligibilis ac ad ea obtinenda perpetuo inhabilis existat, ac quavis Indulta, Concessiones, Dispensations, & Facultates, ac aliae Gratia ei tam a nobis, & Sede Apostolica prædicta, etiam per litteras Apostolicas, etiam in forma Brevis, vel alias ab eius Legatis, seu Nuntiis, aut majori Penitentiario nostro, quam à Superioribus diectorum Ordinum, ac quibusvis aliis, etiam derogatoriis derogatoriis, aliisque efficacioribus, & insolitis clausulis, irritantibus, & aliis Decretis, etiam motu, & scientia similibus, & desuper haec tenus concessa, & in posterum concedenda, nulla & invalida, nulliusque roboris vel momenti sint, & esse censeantur: & si quis eum de cætero ad Dignitates, seu Officia, aut Superioritates hujusmodi scienter elegerit, jure eligendi perpetuo careat, ac voce activa, & passiva eo ipso privatus existat; revocantes, caffantes, & annullantes omnia, & singula Indulta, Concessiones, Dispensations, & Facultates, & Gratias hujusmodi, quorum tenores, ac si de verbo ad verbum infererentur, presentibus haberi volumus pro expressis, ac decernentes irritum, & inane, quicquid super his à quoquam, quavis occasione, scienter vel ignoranter, contigerit attentari. Non obstantibus præmissis, ac Constitutionibus, & Ordinationibus Apostolicis, nec non diectorum Ordinum juramento, confirmatione Apostolicâ vel quavis firmata alia robورatis Statutis, & Consuetudinibus, Privilegiis quoque, Indultis, & Litteris Apostolicis, Episcopis & Archiepiscopis prædictis, ac quibusvis aliis concessis, ceterisque contrariais quibuscumque. Volumus autem, & dicta auctoritate decernimus,

quod

quod praesentium litterarum transumptis, manu Notarii publici subscriptis, & Sigillo alicujus Curiae Ecclesiasticae, seu persona in dignitate Ecclesiastica constituta firmatis, eadem prorsus fides in iudicio, & extra adhibeat, que eisdem adhibetur, si forent exhibita, vel ostensa.

Datum Romae, apud Sanctum Petrum, sub anulo Piscatoris, die 19. Julii, Pontificatus nostri, anno quinto.

Franciscus Aragonia.

Die 22. Julii 1559. retroscripta Litteræ Apostolice in forma Brevis affixa, & publicata fuerunt in valvis Apostolorum de Urbe, Cancellaria Apostolica, ac aie Campi Floræ, dimissis copiis affixis per me Medardum S. D. N. Papa Cursorem.

Nicolaus de Matthæis,
Magister Cursorum.

PIUS QUARTUS.
PONTIFEX CCXXVIII.
ANNO MDLX.

PIUS Mediolanensis, nomine Joannes Angelus Medicis anno 1559. initio clementem, sed non Caraffis se exhibuit, Cardinali Caraffa in Mole Hadriani Carnificis manu strangulato, & Fratre ejus Palliani Principe capite plexo in carcere. Concilium Tridenti, Protestantes Germania Princes ad illud per Litteras & Legatos invitando, restauravit. Obiit anno 1565. (*Magni Bullarii Romani Tom. II. hujus Editionis Luxemb. fol. I.*)

L
Ex Op.
Dipl. Mi-
rari Tom.
I. p. 238.

Instituit Academiam Duacenam in Gallo-Flandria, ad Norman Lovaniensis in Brabantia, petente Philippo II. Hispaniarum Rege: anno 1559.

PIUS EPISCOPU 8.

Servus Servorum Dei, ad perpetuam rei memoriā.

Ratione congruit, & convenit honestati, ut ea, quæ de Romani Pontificis gratia processerunt, licet supervenerint obitu Litteræ Apostolicae defuerint, & confectæ non fuerint, suum sortiantur effatum.

Dudum siquidem felicis recordationis Paulo Papa IV. Prædecessori nostro, pro parte carissimi in Christo Filii nostri, tunc sibi, Philippi Hispaniorum Regis Catholici exposito, quod cum Regio inferioris Germaniae, ipsius Philippi Regis ditioni haereditatio jure subiecta, omni fere ex parte à Populis Hæreticis, atque Schismatis cincta, & obsessa esset, & præter afflictus eorum infidias, pestiferasque doctrinas, Catholica illic fides, & animarum salus maximo in discrimine versaretur, tam graviter periclitanti in illis partibus Fidei orthodoxæ, & animarum saluti aptissimum esse remedium duxerat, in dicta Regione, quæ à tot, tantisque Populis, & gentibus incolebatur, præter illam celebrerim, ac famosam Universitatem Studii Generalis Lovaniensem, alia quoque similis Universitas Studii generalis erigeretur.

Cui sic erigendæ Universitatæ Oppidum Duacense Atrebatenis Diœcesis, tam salubritate aëris, quam fœcunditate terræ, & rerum omnium humano vieti necessiarum copiæ maxime idoneum, & opportunum esse arbitrabatur: & propterea cupiebat ad Omnipotens Dei Laudem, & Gloriam, ac militantis Ecclesie exaltationem, nec non litterarum præcipue Sacrarum studii incre-

mentum, Universitatæ Studii Generalis in dicto Oppido erigi, & instrui.

Quare pro parte dicti Philippi Regis, eidem Prædecessori nostro humiliter supplicato, ut in eodem Oppido Universitatæ Studii Generalis erigeret, & instituere, ac alias in præmissis opportunitate providebat de benignitate Apostolica dignaretur: Præfatus Prædecessor, qui in Apostolicæ dignitatis culmine, meritis licet imparibus, tunc constitutus, sedula meditatione penfabat, ut per litterarum studia, cooperante omnium munerum Largitore, Christi Fideles virtutibus ornarentur, iustitia coleretur, fides in primis Catholica, & dominus Cultus non modo conservaretur, verum etiam nostris portissimè temporibus augeretur, atque propagaretur, ad idque præsertim, dum Catholicorum vota Principum id exposcebat, suæ considerationis aciem libenter convertebat, aliasque desuper disponebat, pro ut in Domino pro studiorum ipsius direktione, & successu felici conspiciebat salubriter expedire; attendens ex litterarum præsertim divinarum studio saluti animarum consuli, & alia spiritualia, & temporalia dona univerbo terrarum orbi provenire.

Hujusmodi supplicationibus inclinatus, sub data videlicet pridiè Kalendas Augufti, Pontificatus sui anno quinto, in ipso Oppido Universitatæ Studii Generalis in artibus, naturali, ac morali Philosophia, ac Medicina, nec non Theologia, & Jure Canonico, & Civili, ac quibusvis aliis lictis Facultatibus, & Scientiis, ad instar Lovaniensis prædictæ, ac Parisiensis, Bononiensis, & Paduanensis, ac aliarum Studiorum Generalium Universitatum, Auctoritate Apostolica erexit, & instituit, ac illi sibi erectæ, & institutæ, illiusque pro tempore existentibus Rectori, Magistris, Doctoribus, Lectoribus Scholaribus, Studentibus, Bidellis, & aliis Officialibus, & personis, quod omnibus, & singulis Privilegiis, libertatibus, & immunitatibus, exemptionibus, favoribus, gratiis, prærogativis, honoribus, & præminentiis, Lovaniensi, ac aliis Studiorum Generalium Universitatibus hujusmodi, illarumque pro tempore existentibus Rectoribus, Magistris, Doctoribus, Lectoribus, Scholaribus, Studentibus, Bidellis, & aliis Officialibus, ac personis in genere, vel in specie, tam dicta Apostolica, quam Regia Auctoritatibus, seu alias quomodolibet conceulis, aut legitime præscriptis, & ex nunc imposterum concedendis, & præscribendis, ac quibus ille, & illi utebantur, potiebantur, & gaudebant, ac uti, potiri, & gaudere potuerunt, quomodolibet in futurum uti, potiri, & gaudere.

Nec non iis, qui in dicta sic erecta Universitate, seu alibi per tempus debitum studuisse, ac scientiâ, & moribus idonei esse comperti forent, quod in Artibus, & Philosophia, & Medicina, ac Theologia, nec non Jure Canonico, & Civili, ac aliis Facultatibus, & Scientiis prædictis, Baccalaureatus etiam formalis, & Licensiatura, ac Doctoratus Magisterius, à pro tempore existente ipsius Universitatis Duacensis Rector, seu alias, juxta eisdem Universitatis desuper edendas Constitutiones recipere, & ipsorum graduum solita insignia sibi exhiberi facere, ac postquam gradus hujusmodi receperint, ac illorum insignia sibi exhibita fuissent, ut præfertur, Facultates, in quibus promoti essent, legere, & interpretari, ac in iis disputare, nec non quoscunque actus gradu, seu gradibus per eos receptis convenientes exercere, aliasque omnibus, & singulis Privilegiis, favoribus, gratiis, prærogativis, & indulsiis, quibus cæteri, in Lovaniensi, & aliis Universitatibus prædictis, juxta illarum Constitutiones, & mores ad gradus prædictos promoti de jure, vel consuetudine, seu alias utebantur, potiebantur, gaudebant, ac uti, potiri, & gaudere in omnibus, atque omnia, perinde ac si gradus ipsos in Lovaniensi, aut